

礪象地穹崇法天候八風而運軸感四氣而鳴絃

金華徘徊而月照玉柱的歷而星懸○成公綏賦

云柄如翠虬之仰首盤似靈龜之紫嘴

黃金撥○王建宮詞黃金捍撥紫檀槽絃索初張調

更高

金捍撥在琵琶面上當絃或以金塗爲飾所以捍護其撥也

紫檀槽○王仁裕詩紅粧齊抱紫檀槽○張祐詩金

屑檀槽玉腕明子絃輕撚爲多情

琵琶槽以金屑飾之

○李

賀詩龍頭瀉酒邀酒星金槽琵琶夜枵枵

龍香撥○楊妃外傳開元中有中官白秀貞自蜀回

得琵琶以獻其槽以邏沙

娑

檀爲之溫潤如玉光